

Ordinaziun dalla suprastanza communal dils 9 da schaner 2006 pertuccont intents da baghegiar che basegnan buca ina lubientscha da baghegiar tenor artechel 40 dall'ordinaziun tier la lescha da planisaziun dil territori pil cantun Grischun (KRVO)

1. Tuts intents da baghegiar per baghetgs ed indrezs cumpriu midadas da project, lavurs da manteniment e sanaziun sco era midadas da diever da schischom, tier las qualas igl ei da quintar cun considerablas influenzas sigl uorden d'utilisaziun, ston vegnir comunicadas avon la projectaziun ed execuziun agl uffeci da baghegiar. L'istanza da baghegiar registrescha igl intent ed il petent responsabel. Resalvai dalla procedura d'annunzia ein ils intents gia deliberai d'ina lubientscha da baghegiar tenor artechel 16 alinea 5 dalla lescha da baghegiar dalla vischnaunca da Falera.
2. L'istanza da baghegiar decida sch'igl intent da baghegiar basegna ina lubientscha da baghegiar. Ella sa tenor artechel 50 e 51 (KRVO) suttametter intents da baghegiar che basegnan buca ina lubientscha da baghegiar tenor artechel 40 (KRVO) alla procedura d'annunzia sche la necessitad da risguardar igl interess public ni dretgs da tiarzas personas ein avon maun.
3. Per intents da baghegiar ch'ei suttamess alla procedura d'annunzia decida l'istanza da baghegiar tgei acts che ston vegnir inoltra per la damonda da baghegiar. La comunicaziun als petents succeda enteifer 10 dis da lavur dapi l'annunzia digl intent da baghegiar.
4. Ei ina lubientscha da baghegiar buca necessaria communichescha l'istanza da baghegiar quei a scret al petent.